

Тарсуни кыл: Буквардилай гуьгъуьнин девир.

Буквардилай гуьгъуьнин девир метлеблу ва жавабдар вахт я: и девирда к1елиз-кхьиз чирдайла къачур чирвилер тикрарда ва алар 1-классда дидед ч1алалди к1елуниз гъазурда.

И девирда муаллимдин вилик ихьтин месэлаяр ква:

1. Аялриз дуьз, гъавурдик кваз, бес къадардин зарблувал аваз ва эсер ийидайвал к1елиз ччирунин ц1ийи дережадиз хкажун;

2. Текстинихъ галаз к1валах авунин бязи къайдарихъ галаз аялар танишарун;

3. К1елзавай текстинин мана-метлебдиз талукъ суалриз жавабар гуз;

4. Сесерикайни гъарфарикай къачур чирвилер, мамуламатар умумиламишун.

Буквардилай гуьгъуьнин девирда муаллимди гъам чирнин, к1елурин вердишвилер, гъам к1елайдан гъавурда гъаттун к1валах тешкилда.

И девирда аялдрив предложение гафаралди, гафар слогралди, гъарфаралди к1елиз тун тавуна галайвал к1елиз чирунин еке метлеб ава.

Сагъ гафаралди к1елиз алакъзавай аялар слогралди к1елзавайбур агакъдалди акъвазарна виже къведач. Ахьтин аялриз артухан к1валах гуда.

Буквардин девирдин к1валахрикай агъадик галайбур тухуналди кхьинар авуна вердишвилер мягкемарда:

1. Тетрадра доскадила кхьин;

2. Четин гафар анализ авун;

3. Печатный текстинай къачуна кхьин;

4. Гафар лугъуз-лугъуз кхьин;

5. Хуралай рик1ел хвейи предложенияр кхьин;

6. Слогралди ва я гафаралди лугъуз диктантар кхьин.

Буквардин девирда тухузвай и к1валахрилай алава яз, буквардилай гуьгъуьнин девирда ихьтин к1валахар тухуда:

1. Ахъайнвай гъарфар кухтаз кхьин; 2. Диктантар; 3. Текстиниз талукъ яз суалриз жавабар.

Суалар ва тапшуругъар:

1. Буквардилай гуьгъуьнин девир гьихьтин вахт я?

2. И девирда муаллимдин вилик гьихьтин месэлаяр ква?